

V c  
2222



2. 21

**T**  
**H**



2. 21, WQR. 21, 18.

Vc  
2222

# Wie der Storm zum Thamen Friesland ergangen ist



1513

BIBLIOTHECA  
PONICKAVIANA

UNIVERSITÄTS-BIBLIOTHEK  
HALLE  
(SAALE)

¶ Czw wyssen sey Weniglichen / das der durchlauchte hochgeborne fürste vnd herr herr Görg Hertzog zu Sachsen Landgraffe In Döringen Marggraffe zu Meyssen vnd .Ro. Re. Ma. vnd des heyligen Keychs Erlicher Gubernator In Frieslandt Sonnabēds nach Petri Kettenfeyer des funfften tages des Augst monats mit hulfe des Almechtigen Gots ein stat yn Frieslandt der Tham genant / eyn schlussel zu beyden Ost vñ West Frieslandt / mit einem gewaltigen storm vnd grossen Ernst erobert vnd gewonnen hat In massen wie voligt

¶ Nach dem als genanter vnser .G. H. Hertzog Görg zu Sachsen zc. Sanpt den Hertzogē vñ Braunschweig Sonnabendes am tage Marie magdalene den Tham an vier ortern / mit eynem grossen volcke vnd gutem geschutze belagert

¶ Hat man darnach mit grosser muhe vñ erbeyt / müssen brucken / graben auß fullen / Schanzen vnd geschutze legen / dasselbige hat gewert bey .xij. tagen biss auff sant Steffans den dritten tag des Augst monats.

¶ Auff den selbigen tag als nemlich Dornstag nach Vincula Petri so die brucken gemacht / die grabē außgefüllet / Schantzē vnd geschutze gelegt / hat man angefangē mit grossen geschutze zu schissen / vnd sollichs tag vñ nacht getriben

¶ Vnd sunderlichen mit .xij. Karthainen vnd Scharf  
21 ij

fincken .vi. notschlangen / vñnd andern gemeynen geschweß / ane vnderlaß geschossen vñnd geworffen / bis an den Sonnabend nach mittage tzwischen dreyen vñ vier-

¶ In der stunde ist vnser .G. h. hertzog Gorge zu Sachsen zc. sampt den fursten von Braunschweyge vñn ihrem kriegß volcke an den Storm getreten vñnd an vier orten den Tham gestumpft.

¶ Got der Almechtige hat seyne gnade gebē das man an dreyen ortern mit dem Storm ane grosse muhe ist eyngesfallen yn die stadt

¶ Aber am vierden ort yst es vast sower wordenn / vñnd sint etzliche Edelleut / so man den selbigenn ferlichstenn vierden ort am besten vertrawet hat / als nemlichen Jacob Köller / Sigemundt loesser dar vber todt blybē / auch etzliche / als nemlichen Wolff von Embdē auf den todt verwundt / vñnd ander mehr der nhame ytz nicht aller bedacht ist

¶ Entlichen yst der Storm In eyner stunden voren bet / vñnd alles was yn der stat von mannen funden erschlagē / vñnd erstochen nemlich vber. xij. c. vil auch yn die wasser verfallen / bey. .iij. c. gefangen / aber. ij. c. dar vō kommē vñnd entlauffen

¶ Die Stat ist gantz Erbermlichen Sackmirt vñnd geplundert vil wicwen vñnd weyßen gemacht / vñnd so gross yammer yn der stat gewesen / das nymandes glauben kan erhet dan sollichs selbst gesehen.

**¶** Von stunt an / so der storm ergangen / yst vnser . G . h .  
hertzog Görg zu Sachsen zc . mit etzliche den seinen / vñ  
yn sunderheyt mit Ern Wolfgang Gulde . S . F . G . ca  
pellan / dere dan disse geschichte Grafen magn<sup>9</sup> fürstē zu  
Anhalt zc . auß Frieslandt zu geschriben hat / Das thum  
tzubefichtigen / yn der Stat vmb her gangen

**¶** Hat . S . F . G . alle gassen voller toden ligen befunden /  
vnd sonderlichen sint die kyrchen also voller toden gelegē /  
das man yn den kirchen ym blute gangen hat

**¶** Auch vil manne / so vor die altarien / auch fur das heylige  
sacrament gelauffen / die Crucifiren mit den armen  
vmbfangen / sint alle erschlagen vnd erstochen / man hat  
keyns geschonet / dan yn den knechten yst keyne barmherz  
igkeit gewest

**¶** Es haben die armen weyber yuncckfrawen vnd kinder  
yn den stalen der kyrchen gelegen / gantz vertzagt vorwey  
nen nit konnen gesehn / vñnd sich ynenander geschmuget  
als die hunerleyn vnd tarwē vor eynem Geyer vñ Alher /  
vnd haben yre man vor yren angesicht erschlagen ligende  
sehen müssen

**¶** Es verhieß eyn burger / eynem lantknechte tausent  
gulden yn dreyen tagen tzugeben / solt ynen bey dem leben  
lassen / Aber der lantknecht sprach das dich gots macht  
schende / woen du mit das hymelreych konst geben / wolt  
dich dannoch nicht lebende lassen

¶ An eynem ort brant die stat / vom feuer so man wun-  
derbarlichen vnd mit grosser kunst eyn gewo:ffen hatte /  
man trug auß den heuffern alle kysten vnd kassen die do  
ganz zurschlagen wurden

¶ War ist es / sullicher großer schade vnd Jamer vñ das  
so vil wirtwen vnd weyßen gemacht sein wurden / hat vn-  
ser .S. h. hertzog Görgen vast zu hertzen gangen .

¶ Doch hat .S. S. G. widerumb eyn trost / vñ yst erfra-  
wet / dan es yst zu hoffen / das sein .S. G. allererst durch  
die eynige stat eyn her alles Frieslandes wurden sey

¶ So hat man auch .S. S. G. gesagt das die feynde die  
tage zuuo: aller solten gebeycht habē / das gibt .S. S. G.  
eynen grossen trost

¶ Man kan auß vilen anzeygungen abgenemen das sul-  
liche pflage die stat hat sullen übergehen

¶ Es ist der storm gleych geschehē auff tag Marie d mu-  
ter gots schnefeyer / hat sich .S. S. G. eher der storm an-  
gangen mit den feynen yn die hende der muter gots / vnd  
sunderlichen yrem heyligen festis Schnefeyer / emtholē.

¶ Es hat auch seyne .S. G. yn sunderheyt gelobe so yms  
Got der Almechtige gnade vnd sieg verleyhen / das seine  
S. G. auff den tag das selbige fest vnser lieben frawen  
schnefeyer / zu Nyssen adder Dreyßen Solempnificirn vnd  
zu ewigen getzeiten erlichen begehen / feyren vnd bestet-  
gen lassen



¶ Nach eroberung der stat Zham / seint die fürsten von  
Braunschweyge mit allem yrem volcke am tag Zybarctij  
yn des Graffen landt gerucket

¶ Szo gedencet vnser. G. H. hertzog G. Sig sich mit den  
seynen widder vmb yn Westerlandt tzu wenden

¶ Vnd yst Trostlichē tzuhoffen das yn Kortze vnser. G. H.  
H. hertzog Gorge gantz Frieslandt. Grunigen / vnd des  
Graffen landt eroberigen verdt. Der Almechtig got gebe  
sein gotliche gnade vnd friste dem Edlen fürstē seyn leben

Cum privilegio

1/2 2222 01

Handwritten signature or name in cursive script.

Handwritten word or name, possibly 'Juni'.

Handwritten initials 'hc' in blue ink.



ULB Halle  
004 974 794

3



f





8  
7  
6  
5  
4  
3  
2  
1  
19  
18  
17  
16  
15  
14  
13  
12  
11  
10  
9  
8  
7  
6  
5  
4  
3  
2  
1  
Inches  
Centimetres

**B.I.G.**  
Black  
3/Color  
White  
Magenta  
Red  
Yellow  
Green  
Cyan  
Blue

**Farbkarte #13**

21, WQR. 21, 18.

Vc  
2222

# Wie der Storm zum Tham yn Friesland ergangen ist



1513